

Na osnovu člana 16. stav 2. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona”, broj: 7/10 i 3/23) i člana 13. stav 3. Zakona o zdravstvenoj zaštiti („Službene novine Federacije Bosne i Hercegovine“, broj: 46/10 i 75/13) na usaglašen prijedlog ministricе Ministarstva zdravstva i ministricе Ministarstva finansija, Vlada Zeničko-dobojskog kantona, na 130. sjednici, održanoj 22.05.2026. godine,
d o n o s i

O D L U K U

o izmjeni i dopuni Odluke o mjerilima za osiguranje elemenata standarda za investicijsko ulaganje za uspostavljanje integrisanog zdravstvenog informacionog sistema na području Zeničko-dobojskog kantona

Član 1.

(Dopuna člana 2.)

U Odluci o mjerilima za osiguranje elemenata standarda za investicijsko ulaganje za uspostavljanje integrisanog zdravstvenog informacionog sistema na području Zeničko-dobojskog kantona („Službene novine Zeničko-dobojskog kantona“, broj: 3/26) u članu 2. stav (1) tačka d) iza riječi: “godine“, dodaju se riječi: „i Izmjenom Programa utroška sredstava za uspostavu integrisanog zdravstvenog informacionog sistema na području Zeničko-dobojskog kantona, Zavoda zdravstvenog osiguranja Zeničko-dobojskog kantona, broj: 01-33-602-1/26 od 06.05.2026. godine“.

Član 2.

(Izmjena člana 3.)

Član 3. mijenja se i glasi:

„Član 3.

(Namjena sredstava)

Na osnovu mjerila iz člana 2. ove odluke, sredstva iz člana 1. stav (1) ove odluke raspoređuju se Zavodu zdravstvenog osiguranja Zeničko-dobojskog kantona na sljedeći način:

Red. br.	Namjena sredstava	Planirana sredstva
1.	Nabavka nadogradnje postojećeg softvera za elektronski zdravstveni karton:	
1.1.	Nabavka softverskih licenci za nadogradnju postojećeg softverskog sistema za elektronski zdravstveni karton za potrebe konsultativno-specijalističkih službi domova zdravlja, Opće bolnice u Tešnju i Zavoda za bolesti ovisnosti Zeničko-dobojskog kantona sa softverskim licencama za nadogradnju postojećih sistema integracijskim modulima	772.200,00 KM
1.2.	Nabavka softverskih licenci za potrebe Instituta za zdravlje i sigurnost hrane	152.100,00 KM
2.	Nabavka softverskih licenci za uspostavu elektronskih zdravstvenih knjižica, za određivanje statusa osiguranih lica i vođenje evidencija o bolovanju, sa nabavkom kartica i printera za štampanje kartica sa softverskim licencama za nadogradnju postojećih sistema integracijskim modulima	1.774.188,00 KM
3.	Nabavka softverskih licenci za nadogradnju postojećeg softverskog sistema dijagnostike i	3.040.876,80 KM

	preventive sa funkcionalnostima radiološke i patološke dijagnostike, programom skrininga dojke, softverskim sistemom za potrebe Zavoda za medicinu rada i sportsku medicinu Zeničko-dobojskog kantona (preventivni/ sistematski/ ljekarska uvjerenja) i funkcionalnostima portala pacijenta sa softverskim licencama za nadogradnju postojećih sistema integracijskim modulima	
4.	Nabavka softverskih licenci za nadogradnju postojećeg softverskog sistema elektronskog recepta sa funkcionalnostima upravljanja pomagalima sa softverskim licencama za nadogradnju postojećih sistema integracijskim modulima	695.682,00 KM
5.	Nabavka softverskih licenci za nadogradnju postojećeg softverskog sistema laboratorijske dijagnostike sa softverskim licencama za nadogradnju postojećih sistema integracijskim modulima	713.700,00 KM
6.	Nabavka softverskih licenci za nadogradnju postojeće arhive nalaza i slikovnih podataka i uspostava centralnog skladišta koji omogućava tvrdi backup kopiju svih važnijih medicinskih podataka IZIS, drugog backup softverskih sistema IZIS i pratećeg hardvera	1.000.000,00 KM
UKUPNO		8.148.746,80 KM

Član 3.

(Izmjena Programa utroška sredstava)

Zadužuje se Ministarstvo zdravstva da u skladu sa ovom odlukom izvrši izmjenu Programa utroška sredstava Ministarstva zdravstva na poziciji „Kapitalni transferi drugim nivoima vladi - za zdravstvo“ - Izvor 10 Budžeta Zeničko-dobojskog kantona za 2026. godinu („Službene novine Zeničko-dobojskog kantona“, broj: 3/26).

Član 4.

(Stupanje na snagu)

Odluka stupa na snagu danom donošenja i objavit će se u „Službenim novinama Zeničko-dobojskog kantona“

Broj: 02-11-10470/26

Datum, 22.05.2026. godine

Zenica

**PREMIJER
po ovlaštenju**

Dženana Čišija

DOSTAVLJENO:

1x Ministarstvo zdravstva,

1x Ministarstvo finansija,

1x Zavod zdravstvenog osiguranja Zeničko-dobojskog kantona,
putem Ministarstva,

1x „Službene novine Zeničko-dobojskog kantona”,

1x a/a.